

摘藻堂四庫全書薈要

經部

欽定四庫全書薈要卷一千三百四十一

經部

西疇春秋本例卷七 宋 崔子方 撰

夫人門

例目

入

莊二十四年八月丁丑夫人姜氏入

右一著例

致

僖八年秋七月禘于太廟用致夫人

致猶致女也父母家之辭

也蓋齊女先妾耳而致之為夫人非禮矣故去氏姓以見之且致夫人重事例當日其不日猶曰妾非所以為夫人故不以尊禮舉之也詳具經解

右一變例

孫

莊元年三月夫人孫于齊

君夫人諱奔猶曰孫位而去云爾夫人孫重事

例當日夫人久在齊不可以日致也詳具經解

閔二年九月夫人姜氏孫于邾

其不日以罪略之蓋曰夫人有罪不

以尊禮舉之也  
文姜猶是致也

右二變例

喪至

僖元年十有二月丁巳夫人氏之喪至自齊

右一著例

薨

隱二年十有二月乙卯夫人子氏薨

莊二十一年秋七月戊戌夫人姜氏薨

僖元年秋七月戊辰夫人姜氏薨于夷

文四年冬十有一月壬寅夫人風氏薨

文十六年秋八月辛未夫人姜氏薨

宣八年夏六月戊子夫人嬴氏薨

襄二年夏五月庚寅夫人姜氏薨

襄四年秋七月戊子夫人姒氏薨

襄九年五月辛酉夫人姜氏薨

昭十一年五月甲申夫人歸氏薨

定十五年秋七月壬申妣氏卒

哀十二年夏五月甲辰孟子卒

右十二著例

葬

莊二十二年春王正月癸丑葬我小君文姜

僖二年夏五月辛巳葬我小君哀姜

文五年春三月辛亥葬我小君成風

文十七年夏四月癸亥葬我小君聲姜

宣八年冬十月己丑葬我小君敬嬴

襄二年秋七月己丑葬我小君齊姜

襄四年八月辛亥葬我小君定姒

襄九年秋八月癸未葬我小君穆姜

昭十一年九月己亥葬我小君齊歸

定十五年九月辛巳葬定姒

右十著例

例月

公納幣

莊二十二年冬公如齊納幣

納幣大夫之事而公親之又未終母喪而

嘉禮是行故不月以見譏

右一變例

公逆女

莊二十四年夏公如齊逆女

春秋譏不親迎公於齊則有父讎之弗報

於內則有母喪而圖婚然則親迎祇以為罪也故不月以見譏

右一變例



夫人逆婦

文四年夏逆婦姜于齊

譏姑逆也  
解具經解

右一變例

大夫逆女

桓三年秋七月公子翬如齊逆女

承日食月春秋  
之例逆夫人例

月以為有國之重事惟不正其使大夫逆然後  
不月以見譏桓無譏然則公子翬逆女猶月者

也詳具

經解

宣元年春王正月公子遂如齊逆女

承即位月不  
特譏使大夫

逆又譏  
喪娶

成十四年秋叔孫僑如如齊逆女

禮有親迎不正使大夫逆故不

月以  
見譏

右三變例

至  
始至

桓三年九月夫人姜氏至自齊

右一著例

大夫以夫人至

宣元年三月遂以夫人婦姜至自齊

成十四年九月僑如以夫人婦姜氏至自齊

右二著例

歸

文十八年冬十月夫人姜氏歸于齊

右一著例

饗

莊四年春王二月夫人姜氏饗齊侯于祝丘

饗兩君之

禮重事  
例當月

右一著例

例時

會

莊二年冬十有二月夫人姜氏會齊侯于禚  
為宋公卒  
月

莊七年春夫人姜氏會齊侯于防  
是年冬夫人姜氏會齊侯于穀

僖十七年秋夫人姜氏會齊侯于卞

右四著例

如

莊五年夏夫人姜氏如齊師

莊十五年夏夫人姜氏如齊

莊十九年秋夫人姜氏如莒

莒魯蓋婚姻之國故夫人如莒夫人如莒

非禮也是如月以見譏者然公子結遂及齊侯宋公盟故不月矣先事故不月後事亦不得而

月二十年二月夫人如莒如月以譏是其例

莊二十年春王二月夫人姜氏如莒

文九年春夫人姜氏如齊

右五著例三其變例二

至

文九年三月夫人姜氏至自齊

此出姜也十八年歸于齊者是也夫

人不允于魯故終以見出是行也夫人其有不然之證乎臣子殆其往而喜其反故致之不然夫人之行不致也故加月重錄之見臣子以是為危矣

右一變例

大夫納幣

文二年冬公子遂如齊納幣

右一著例

諸侯送女

桓三年九月齊侯送姜氏于謹

為公會月

右一著例

大夫宗婦覲

莊二十四年八月戊寅大夫宗婦覲用幣

大夫之婦同宗

者也宗婦覲賤事也例當時而  
以日志所以致譏乎用幣焉爾

右一變例

內女門

例日

卒

莊四年三月紀伯姬卒

莊二十九年冬十有二月紀叔姬卒

僖九年秋七月乙酉伯姬卒



僖十六年夏四月丙申鄆季姬卒

文十二年二月庚子子叔姬卒

成八年冬十月癸卯杞叔姬卒

右六著例四其失日者二

例月

大夫為君逆

隱二年九月紀裂繻來逆女

右一著例

歸

隱二年冬十月伯姬歸于紀

隱七年春王三月叔姬歸于紀

莊二十五年六月伯姬歸于杞

僖十五年秋九月季姬歸于鄆

成九年二月伯姬歸于宋

右五著例

執

文十四年冬齊人執子叔姬

子叔姬與單伯有罪於齊者也執內大夫

例月知執內女亦例月矣其不以月以譏內也

右一變例

葬

莊四年夏六月乙丑齊侯葬紀伯姬

凡內女為諸侯夫人然後

卒葬諸侯例月知夫人葬亦例月也此加日而葬隱之也亡國之葬也詳具經解

莊三十年八月癸亥葬紀叔姬

加日以葬隱之也亡國之葬也

襄三十年秋七月葬宋共姬

右三著例一其變例二

例時

來納幣

成八年夏宋公使公孫壽來納幣

右一著例

大夫自逆

莊二十七年冬莒慶來逆叔姬

宣五年秋九月齊高固來逆叔姬

為叔孫  
卒月

右二著例

大夫致女

成九年夏季孫行父如宋致女

右一著例

來媵

成八年冬十月衛人來媵

承杞叔姬卒月

成九年夏晉人來媵

成十年五月齊人來媵

承公會月

右三著例

來

莊二十七年冬杞伯姬來

僖二十八年秋杞伯姬來

宣五年冬齊高固及子叔姬來

右三著例

來歸

文十五年十有二月齊人來歸子叔姬

子叔姬有罪齊人使

致責于我而後歸  
之故加月以見譏

宣十六年秋邾伯姬來歸

成五年春王正月杞伯姬來歸

四年杞伯來朝而五年叔姬來歸杞

伯之來告絕叔姬也且杞伯來朝而告絕知杞之有辭矣以叔姬之來歸為內過故加月以見譏

右三著例一其變例二

歸復歸

莊十二年春王三月紀叔姬歸于鄆

宣紀季以鄆入齊是時叔

姬來魯乎故今歸于鄆也不書其來閔之也書其歸喜復其所也故詳錄而加月詳具經解

右一變例

過

僖十四年夏六月季姬及鄆子過于防使鄆子來

朝

凡遇之志故譏也此又謹錄而加月

右一變例

來逆婦

僖二十五年夏宋蕩伯姬來逆婦



右一著例

來求婦

僖三十一年冬杞伯姬來求婦

右一著例

來朝子

僖五年春杞伯姬來朝其子

右一著例

來逆喪

成九年春王正月杞伯來逆叔姬之喪以歸為公會月

右一著例

西疇春秋本例卷七

欽定四庫全書薈要卷一千三百四十二

經部

西疇春秋本例卷八

宋 崔子方 撰

內大夫門

例日

奔

閔二年九月公子慶父出奔莒

內大夫奔例日謹有罪也是時慶父

與夫人同惡蓋同日而出奔夫人先故不日慶父不得後日也慶父不日然後知與夫人同日

奔矣然慶父之

罪不患不見

文八年冬十月公孫敖如京師不至而復丙戌奔

莒

宣十八年冬十月壬戌歸父還自晉至笙遂奔

齊

襄二十三年冬十月乙亥臧叔紇出奔邾

昭十二年冬十月公子慙出奔齊

慙之奔不日蓋見其非罪也

成十六年冬十月乙亥叔孫僑如出奔齊

右六著例四其變例二

刺

僖二十八年春公子買戍衛不卒戍刺之

刺大夫  
例日謹

有罪也以罪刺者不言其事言其事  
者有託也故不日以見譏詳具經解

成十六年十有二月乙酉刺公子偃

右二著例一其變例一

卒

隱元年冬十有二月公子益師卒

失日

隱五年冬十有二月辛巳公子彊卒

隱八年冬十有二月無駭卒

失日

隱九年三月庚辰挾卒

莊三十二年秋七月癸巳公子牙卒

僖十六年三月壬申公子季友卒

是年秋七月甲子公孫茲卒

文十年春王三月辛卯臧孫辰卒

文十四年秋九月甲申公孫敖卒于齊

宣五年秋九月叔孫得臣卒

失日

宣八年六月辛巳仲遂卒于垂

宣十七年冬十有一月壬午公弟叔盥卒

成四年夏四月甲寅臧孫許卒

成十五年三月乙巳仲嬰齊卒

成十七年冬十有一月壬申公孫嬰齊卒于狸蜚

襄五年十有二月辛未季孫行父卒

襄十九年八月丙辰仲孫蔑卒

襄二十二年秋七月辛酉叔老卒



襄二十三年八月己卯仲孫速卒

襄三十一年秋九月己亥仲孫羯卒

昭四年冬十有二月乙卯叔孫豹卒

昭七年十有二月癸未季孫宿卒

昭十五年二月癸酉叔弓卒

昭二十一年八月乙亥叔輒卒

昭二十三年春王正月癸丑叔鞅卒

昭二十四年春王二月丙戌仲孫矍卒

昭二十五年冬十月戊辰叔孫婁卒

昭二十九年夏四月庚子叔倪卒

定五年秋七月壬子叔孫不敢卒

哀三年秋七月丙子季孫斯卒

右三十著例二十七其失日者三

例月

盟

隱元年九月及宋人盟于宿

桓十一年九月柔會宋公陳侯蔡叔盟于折

莊十九年秋公子結媵陳人之婦于鄆遂及齊侯

宋公盟

公子結不終媵事抗二君之盟卒致三國之師故不月以見譏詳具經解

僖十九年冬會陳人蔡人楚人鄭人盟于齊

盟于齊主

齊與盟也是時齊桓既卒宋襄圖霸以劫諸侯蓋諸侯不肯從宋而後為齊之盟所以未忘桓公之功也春秋善是盟故亦信而不月猶之桓公之志爾傳謂陳穆公請修好於諸侯以無忘齊桓之德猶信也

僖二十九年夏六月會王人晉人宋人齊人陳人

蔡人秦人盟于翟泉

文二年夏六月公孫敖會宋公陳侯鄭伯晉士穀  
盟于垂隴

文八年冬十月壬午公子遂會晉趙盾盟于衡雍

乙酉公子遂會雒戎盟于暴

大夫盟例月此特  
如日譏遂之專盟

見四日之間不能復命而再出會故兩日  
以見之欲志乙酉故不得不先志壬午也

文十年秋七月及蘇子盟于女栗

離盟不月此  
承不雨月

文十六年春季孫行父會齊侯于陽穀齊侯弗及

盟

齊侯弗及  
盟者故也

是年六月戊辰公子遂及齊侯盟于鄆丘

是時齊  
強魯弱

齊人方責子叔姬之罪魯再受兵諸侯不能救  
大夫求盟而不得公又有疾魯於是病矣鄆丘  
之會以得齊盟為喜故詳錄而加日  
與仲孫速會莒人盟于向加日同例

成元年夏臧孫許及晉侯盟于赤棘

離盟

成二年秋七月齊侯使國佐如師己酉及國佐盟

于袤婁

大夫盟不以日志此嫌國佐如師而遂  
與之盟且以見自鞍至於袤婁絲地五

百里自癸酉至于己酉歷三十有七日然  
後得盟以廼齊為已甚故日志以見譏也

成十六年十有二月乙丑季孫行父及晉卻犇盟

于扈

是時叔孫僑如為難故晉人使公不得與伐鄭而行父見執公彷徨于外以求自明

僅能使僑如見逐季孫受盟喜釋執而免乎難故詳錄而加日

成十八年十有二月仲孫蔑會晉侯宋公衛侯邾

子齊崔杼同盟于虛打

襄三年六月戊寅叔孫豹及諸侯之大夫及陳袁

僑盟

是時已未諸侯同盟矣及袁僑如會而大夫又與之盟夫諸侯已盟則大夫可無盟

矣然而又盟見大夫之張也故特加日以見譏

襄十六年三月戊寅大夫盟

是時諸侯會溴梁而大夫專盟見大夫之

益張也故特加日以見譏然後知雞澤之盟譏其漸矣

襄二十年春王正月辛亥仲孫速會莒人盟于向

莒魯之怨自屬鄆始其後莒與齊邾比以為吾患魯無歲不受兵及仲孫叔之為此盟然後兵怨始解幾二十年莒魯不交兵則是盟也實國之所喜故詳錄而加日餘具經解

襄二十七年秋七月辛巳豹及諸侯之大夫盟于

宋

加日猶雞澤溴梁之盟耳

昭十一年夏五月仲孫矍會邾子盟于祊祥

離盟不月

承夫人  
薨月也

定三年冬仲孫何忌及邾子盟于拔

離盟

哀二年春王二月癸巳叔孫州仇仲孫何忌及邾

子盟于句繹

先君之季年邾子來朝已而又來奔喪於我亦厚矣而魯乃比年有

事於邾今又三卿大舉而伐之取沂濰田要其君而與之盟明年又復渝盟而圍其國則魯之於邾為已甚故特加日以見譏

右二十一著例五其變例十二其離盟四

執



文十四年冬齊人執單伯

單伯如齊而見執不稱行人以為失奉使之道

故不月以見譏

成十六年九月晉人執季孫行父舍之于莒丘

昭十三年八月晉人執季孫意如以歸

昭二十三年春王正月晉人執我行人叔孫婼

右四著例三其變例一

例時

莅盟

僖三年冬公子友如齊莅盟

文七年冬公孫敖如莒莅盟

昭七年三月叔孫婁如齊莅盟

承公如楚月

定十一年冬叔還如鄭莅盟

右四著例

會

莊十四年冬單伯會齊侯宋公陳侯衛侯鄭伯于

鄆

文元年秋公孫敖會晉侯于戚

文十一年夏叔仲彭生會晉卻缺于承匡

文十六年春季孫行父會齊侯于陽穀

宣十四年冬公孫歸父會齊侯于穀

宣十五年春公孫歸父會楚子于宋

是年秋仲孫蔑會齊高固于無婁

成五年夏叔孫僑如會晉荀首于穀

成十五年冬十有一月叔孫僑如會晉士燮齊高

無咎宋華元衛孫林父鄭公子魴邾人會吳于

鍾離

再言會吳即吳也吳遠中國未嘗與中國會諸大夫欲往會之故於彼即吳也不正

以中國之衆即吳遠

會故加月以見譏

襄二年秋七月仲孫蔑會晉荀罃宋華元衛孫林

父曹人邾人于戚

為葬小君月

是年冬仲孫蔑會晉荀罃齊崔杼宋華元衛孫林

父曹人邾人滕人薛人小邾人于戚

襄五年夏仲孫蔑衛林父會吳于善道

襄八年夏季孫宿會晉侯鄭伯齊人宋人衛人邾人于邢丘

襄十四年春王正月季孫宿叔老會晉士匄齊人宋人衛人鄭公孫薑曹人莒人邾人滕人薛人杞人小邾人會吳于向

加月猶鍾離之會譏也

是年冬季孫宿會晉士匄宋華閱衛孫林父鄭公孫薑莒人邾人于戚

襄十九年冬叔孫豹會晉士匄于柯

襄二十七年夏叔孫豹會晉趙武楚屈建蔡公孫  
歸生衛石惡陳孔奐鄭良霄許人曹人于宋

昭元年春王正月叔孫豹會晉趙武楚公子圍齊  
國弱宋向戌衛齊惡陳公子招蔡公孫歸生鄭

罕虎許人曹人于號

承即位月

昭九年春叔弓會楚子于陳

昭十一年秋季孫意如會晉韓起齊國弱宋華亥  
衛北宮它鄭罕虎曹人杞人于厥慙

昭二十五年夏叔詣會晉趙鞅宋樂大心衛北宮

喜鄭游吉曹人滕人薛人小邾人于黃父

昭三十一年春王正月季孫意如會晉荀欒于適

歷

承公在  
乾侯月

哀六年夏叔還會吳于柤

右二十三著例二十一其變例二

西疇春秋本例卷八

欽定四庫全書薈要卷一千三百四十三

經部

西疇春秋本例卷九

宋 崔子方 撰

內大夫門

例時

如

莊二十五年冬公子友如陳

莊二十七年秋公子友如陳葬原仲

莊三十二年冬十月公子慶父如齊

承子  
卒月



僖五年夏公孫茲如牟

僖七年秋七月公子友如齊

承盟寧母月

僖十三年冬公子友如齊

僖二十八年秋公子遂如齊

僖三十年冬公子遂如京師遂如晉

僖三十一年春公子遂如晉

文元年夏四月叔孫得臣如京師

承葬僖公月

是年冬十月公孫敖如齊

承楚弑君月

文五年夏公孫敖如晉

文六年夏季孫行父如陳

是年冬十月公子遂如晉

為葬晉襄月

文九年二月叔孫得臣如京師

為葬襄王月

文十一年秋公子遂如宋

文十四年冬單伯如齊

文十五年秋季孫行父如晉

文十七年冬公子遂如齊

文十八年秋公子遂叔孫得臣如齊

是年冬十月季孫行父如齊

承子  
卒月

宣元年夏季孫行父如齊

是年夏公子遂如齊

宣九年夏仲孫蔑如京師

宣十年六月公孫歸父如齊

為葬齊  
惠公月

是年秋季孫行父如齊

是年冬公孫歸父如齊

宣十八年秋七月公孫歸父如晉

承楚子卒月

成五年春王正月仲孫蔑如宋

承叔姬來歸月

成六年夏六月公孫嬰齊如晉

為鄭伯卒月

是年冬季孫行父如晉

成十一年夏季孫行父如晉

是年秋叔孫僑如如齊

襄二年秋七月叔孫豹如宋

承葬小君月

襄四年夏叔孫豹如晉

襄六年冬叔孫豹如邾

是年季孫宿如晉

襄七年秋季孫宿如衛

襄九年夏季孫宿如晉

襄十六年冬叔孫豹如晉

襄十九年春王正月季孫宿如晉

承祝柯盟月

襄二十年秋叔老如齊

是年冬十月季孫宿如宋

承日食月

襄二十四年春叔孫豹如晉

是年冬叔孫豹如京師

襄二十八年秋八月仲孫羯如晉

承大雩月

襄二十九年冬仲孫羯如晉

襄三十年秋七月叔弓如宋

為葬共姬月

昭二年夏叔弓如晉

是年冬季孫宿如晉

昭三年夏叔弓如滕

昭六年夏季孫宿如晉

是年冬叔弓如楚

昭九年秋仲孫纁如齊

昭十年九月叔孫婼如晉

為葬晉平公月

昭十一年春王二月叔弓如宋

為葬宋平公月

昭十六年九月季孫意如如晉

承大雩月

昭二十二年六月叔鞅如京師

為葬景王月

昭二十三年春王正月叔孫婼如晉

為叔鞅卒月

昭二十五年春叔孫婁如宋

定十年秋叔孫州仇如齊

哀五年冬叔還如齊

右六十二著例

至

文十五年六月單伯至自齊

承日食月

昭十四年春意如至自晉

昭二十四年春王二月婁至自晉

承仲孫纘卒月



右三著例

來

閔元年冬齊仲孫來

右一著例

來歸

閔元年秋八月季子來歸

承公盟月

右一著例

還

宣十八年冬十月歸父還自晉

承公薨月

右一著例

復

文八年冬十月公孫敖如京師不至而復

為奔昔月

宣八年夏六月公子遂如齊至黃乃復

為有事月

右二著例

滕

莊十九年秋公子結滕陳人之婦于鄆

右一著例

告糴

莊二十八年冬臧孫辰告糴于齊

右一著例

乞師

僖二十六年夏公子遂如楚乞師

右一著例

墮邑

定十二年夏叔孫州仇帥師墮郈

是年夏季孫斯仲孫何忌帥師墮費

右二著例

疆田

昭元年秋叔弓帥師疆鄆田

右一著例

城

文十二年冬十有二月季孫行父帥師城諸及鄆

承戰  
月

襄二年冬仲孫蔑會晉荀瑩齊崔杼宋華元衛孫  
林父曹人邾人滕人薛人小邾人于戚遂城虎  
牢

襄十五年夏季孫宿叔孫豹帥師城成郭

襄二十九年夏五月仲孫羯會晉荀盈齊高止宋

華定衛世叔儀鄭公孫段曹人莒人滕人薛人

小邾人城杞

承公  
至月

昭三十二年冬仲孫何忌會晉韓不信齊高張宋  
仲幾衛世叔申鄭國參曹人莒人薛人杞人小  
邾人城成周

哀三年五月季孫斯叔孫州仇帥師城啟陽

承桓宮火

月

右六著例

入邑

襄十二年春王正月季孫宿帥師救郕遂入鄆  
宿受

命救郕而遂入鄆見政之  
逮大夫也故加月以見譏

右一變例

侵

僖四年冬十有二月公孫茲帥師會齊人宋人衛

人鄭人許人曹人侵陳

伐楚之役齊有怒于陳  
執素濤塗與江黃伐之

矣陳雖有罪執其人伐其國可也今又合七國  
之衆而侵之以齊桓責人為已甚故加月以見  
譏

成六年秋仲孫蔑叔孫僑如帥師侵宋

襄二十四年春仲孫羯帥師侵齊

定八年九月季孫斯仲孫何忌帥師侵衛

承葬陳懷

公月

右四著例三其變例一

伐

隱四年秋翬帥師會宋公陳侯蔡人衛人伐鄭

隱十年夏翬帥師會齊人鄭人伐宋

桓十二年十有二月及鄭師伐宋

為戰于宋月



桓十七年秋八月及宋人衛人伐邾

承葬蔡桓侯月

莊二年夏公子慶父帥師伐於餘丘

莊三年春王正月溺會齊師伐衛

衛侯得罪天子而奔齊為之伐

衛以納朔而溺往會之故加月以見譏

莊十四年夏單伯會伐宋

僖三十三年秋公子遂帥師伐邾

文三年春王正月叔孫得臣會晉人宋人陳人衛

人鄭人伐沈

為沈潰月

文十四年春王正月叔彭生帥師伐邾

承公至月

宣十年秋公孫歸父帥師伐邾

宣十一年夏公孫歸父會齊人伐莒

成八年冬十月叔孫僑如會晉士燮齊人邾人伐

邾

承叔姬卒月

襄十四年夏四月叔孫豹會晉荀偃齊人宋人衛

北宮括鄭公孫薑曹人莒人邾人滕人薛人杞

人小邾人伐秦

承衛侯奔月

襄十六年五月叔老會鄭伯晉荀偃衛甯殖宋人

伐許

承地  
震月

襄二十年秋仲孫速帥師伐邾

昭十年秋七月季孫意如叔弓仲孫貜帥師伐莒

承晉侯

卒月

哀元年冬仲孫何忌帥師伐邾

哀二年春王二月季孫斯叔孫州仇仲孫何忌帥

師伐邾

為邾子  
盟月

右十九著例十八其變例一

圍

成三年秋叔孫僑如帥師圍棘

襄元年春王正月仲孫蔑會晉欒黶宋華元衛甯

殖曹人莒人邾人滕人薛人圍宋彭城

承即位月

昭十三年春叔弓帥師圍費

定六年冬季孫斯仲孫何忌帥師圍鄆

定十年夏叔孫州仇仲孫何忌帥師圍郕

是年秋叔孫州仇仲孫何忌帥師圍郕

哀三年冬十月叔孫州仇仲孫何忌帥師圍邾

承泰

伯卒月

右七著例

取

宣十年秋公孫歸父帥師伐邾取繹

右一著例

救

僖十五年三月公孫敖帥師及諸侯之大夫救徐

承牡丘

盟月

文九年三月公子遂會晉人宋人衛人許人救鄭

承夫人

至月

襄十二年春王三月季孫宿帥師救郕

為遂入  
郕月

襄二十三年八月叔孫豹帥師救晉

為下已  
卯月

右四著例

次

襄元年夏仲孫蔑會齊崔杼曹人邾人杞人次于

鄆

襄二十三年八月叔孫豹帥師救晉次于雍榆

受命

救晉畏齊不進止于雍榆故此加月以見譏

右二著例一其變例一

戌

僖二十八年春公子買戌衛

右一著例

歸喪

文十五年夏齊人歸公孫敖之喪

右一著例

如葬


莊二十七年秋公子友如陳葬原仲

右一著例





西疇春秋本例卷九



覆校官庶吉士臣方燁

校對官編修臣李光雲

謄錄監生臣陳葆光

欽定四庫全書薈要

經部

春秋本例卷十四

詳校官原任侍講臣王燕緒



欽定四庫全書薈要卷一千三百四十四

經部

西疇春秋本例卷十

宋 崔子方 撰

宗廟郊祭門

例目  
立宮

成六年二月辛巳立武宮

定元年九月立煬宮

立煬宮譏也故  
不日以見之

右二著例一其變例一

作主

文二年春王二月丁丑作僖公主

右一著例

郊

成十七年九月辛丑用郊

定十五年夏五月辛亥郊

哀元年夏四月辛巳郊

右三著例

禘

閔二年夏五月乙酉吉禘于莊公

僖八年秋七月禘于太廟用致夫人

譏致夫人故不日解具致

夫人下

右二著例一其變例一

大事

文二年八月丁卯大事于太廟躋僖公

右一著例

烝

桓八年春正月己卯烝

是年夏五月丁丑烝

右二著例

嘗

桓十四年秋八月乙亥嘗

右一著例

有事

宣八年夏六月辛巳有事于太廟

昭十五年二月癸酉有事于武宮

右二著例

繹

宣八年夏六月壬午猶繹

右一著例

右立宮作主郊禘凡宗廟之祭皆有國之常事常事不書有譏焉則書凡書譏也故於日月之例



無變焉然後知春秋之日月不以例著者皆以  
示譏其足以知乎譏者不變也

從祀

定八年冬從祀先公

此魯禮之復正者其不日何也非常祀也是時陽虎欲爲

亂故順祀先公而祈焉春秋以爲其所有事者無足道也吾志其從祀而已故特略而時志之且以志陽虎之僞也

右一變例

納鼎

桓二年夏四月取郕大鼎于宋戊申納于太廟

右一著例

例月

考宮獻羽

隱五年九月考仲子之宮初獻六羽

右一著例

卜郊 卜牛 牛傷 免牲 免牛 三望附

僖三十一年夏四月卜郊不從乃免牲猶三望

宣三年春王正月郊牛之口傷改卜牛牛死乃不郊猶三望

成七年春王正月鼯鼠食郊牛角改卜牛鼯鼠又食其角乃免牛夏五月不郊猶三望

成十年夏四月五卜郊不從乃不郊

襄七年夏四月三卜郊不從乃免牲

襄十一年夏四月四卜郊不從乃不郊

定十五年春王正月鼯鼠食郊牛牛死改卜牛

哀元年春王正月鼯鼠食郊牛改卜牛

右八著例

用牲于社

于門附

莊二十五年六月辛未朔日有食之鼓用牲于社  
是年秋大水鼓用牲于社于門

莊三十年九月庚午朔日有食之鼓用牲于社  
文十五年六月辛丑朔日有食之鼓用牲于社

右四

凡大祀例曰則次祀例當月此非常祀當去月以見譏惟秋大水不加月是其

例餘皆承  
日食月

不告月猶朝于廟

文六年閏月不告月猶朝于廟

右一著例

大室屋壞

文十三年秋七月大室屋壞

右一著例

例時

丹楹

莊二十三年秋丹桓宮楹

右一著例

刻桷

莊二十四年春王三月刻桓宮桷

爲葬桓公月

右一著例

內戎事門

例曰

戰

桓十年冬十有二月丙午齊侯衛侯鄭伯來戰于

郎

桓十二年冬十有二月及鄭師伐宋丁未戰于

宋

桓十三年春二月公會紀侯鄭伯己巳及齊侯宋

公衛侯燕人戰齊師宋師衛師燕師敗績

桓十七年夏五月丙午及齊師戰于奚

莊九年八月庚申及齊侯戰于乾時我師敗績

僖二十二年秋八月丁未及邾人戰于升陘

成二年六月癸酉季孫行父臧孫許叔孫僑如公  
孫嬰齊帥師會晉卻克衛孫良夫曹公子首及  
齊侯戰于鞍齊師敗績

右七著例

敗

隱十年六月壬戌公敗宋師于菅



莊十年春王正月公敗齊師于長勺

不正公一歲而兩敗人之

師故不日以見譏

是年六月公敗宋師于乘丘

詐戰而勝曰敗某師雖然有勝矣豈君子

之所尚乎不正公不旬月之間而兩敗人之師故皆不日以見譏

莊十一年夏五月戊寅公敗宋師于鄆

僖元年九月公敗邾師于偃

是喪師故不日以見譏

是年冬十月壬午公子友帥師敗莒師于鄆

昭五年秋七月戊辰叔弓帥師敗莒師于蚡泉

右七著例四其變例三

治兵

莊八年春王正月甲午治兵

右一著例

大閱

桓六年秋八月壬午大閱

右一著例

焚邑

火攻也

桓七年春二月己亥焚咸丘

右一著例

例月

作軍

襄十一年春王正月作三軍

戎事例曰此不日  
以見譏詳具經解

右一著例

舍軍

昭五年春王正月舍中軍

戎事例曰此不日  
以見譏詳具經解

右一著例

作甲

成元年三月作丘甲

戎事例日此不日  
以見譏詳具經解

右一著例

凡內事門

例月

諸侯來盟

襄二十九年夏五月杞子來盟

右一著例

肆膏

莊二十二年春王正月肆大眚

右一著例

邑潰

昭二十九年冬十月鄆潰

右一著例

西疇春秋本例卷十

欽定四庫全書薈要卷一千三百四十五

經部

西疇春秋本例卷十一 宋 崔子方 撰

凡內事門

例時

來盟

桓十四年夏五鄭伯使其弟語來盟

闕月字又其下當有他事

亦闕

閔二年冬齊高子來盟

僖四年夏楚屈完來盟于師

文十五年三月宋司馬華孫來盟

稱官而字之見其專官而特貴

也不稱使以其私來也嫌與齊高子同例故加月以見譏

宣七年春衛侯使孫良夫來盟

右五著例四其變例一

來朝

隱十一年春滕侯薛侯來朝

桓二年春正月滕子來朝

桓弑逆之人諸侯所共惡今滕子實始修禮而

朝事之故加  
月以見譏

是年秋七月杞侯來朝

亦譏始朝桓也詳具經解

桓六年冬紀侯來朝

桓七年夏穀伯綏來朝鄧侯吾離來朝

桓九年冬曹伯使其世子射姑來朝

桓十五年五月邾人牟人葛人來朝

承鄭伯奔月

莊二十三年夏蕭叔朝公

莊二十七年冬杞伯來朝



僖七年夏小邾子來朝

僖十四年夏六月季姬及鄫子遇于防使鄫子來

朝

解具內女  
遇鄫子下

僖二十年夏鄫子來朝

僖二十七年春杞子來朝

文十一年秋曹伯來朝

文十二年春王正月杞伯來朝

承邾伯  
奔月

是年秋滕子來朝

文十五年夏曹伯來朝

宣元年秋邾子來朝

成四年三月杞伯來朝

承鄭伯  
卒月

成六年夏六月邾子來朝

爲鄭伯  
卒月

成七年夏五月曹伯來朝

爲三  
望月

成十八年秋杞伯來朝

是年八月邾子來朝

爲公  
薨月

襄元年九月邾子來朝

承天王  
崩月

襄六年秋滕子來朝

襄七年春邾子來朝

是年夏四月小邾子來朝

承卜  
郊月

襄二十一年冬十月曹伯來朝

承日  
食月

襄二十八年夏邾子來朝

昭三年秋小邾子來朝

昭十七年春小邾子來朝

是年秋邾子來朝

定十五年春王正月邾子來朝

爲食邾牛月

哀二年夏四月滕子來朝

承衛侯卒月

右三十四著例三十二其變例二

來聘

隱七年夏齊侯使其弟年來聘

桓三年冬齊侯使其弟年來聘

莊二十三年夏荊人來聘

莊二十五年春陳侯使女叔來聘

僖三十三年春王二月齊侯使國歸父來聘

承入

滑月

文四年秋衛侯使甯俞來聘

文九年冬楚子使椒來聘

文十二年秋秦伯使術來聘

宣十年冬齊侯使國佐來聘

成三年冬十一月晉侯使荀庚來聘

爲盟月

是月衛侯使孫良夫來聘

成四年春宋公使華元來聘

成八年春宋公使華元來聘

是年冬十月晉侯使士燮來聘

承叔姬卒月

成十一年春王三月晉侯使卻欒來聘

承公至月

成十八年夏晉侯使士匄來聘

襄元年冬衛侯使公孫剽來聘

是年冬晉侯使荀罃來聘

襄五年夏鄭伯使公子發來聘

襄七年冬十月衛侯使孫林父來聘

爲盟月

襄八年冬晉侯使士匄來聘

襄十二年夏晉侯使士魴來聘

襄十五年春宋公使向戌來聘

襄二十六年夏晉侯使荀吳來聘

襄二十七年春齊侯使慶封來聘

襄二十九年夏五月晉侯使士鞅來聘

承公至月

是月吳子使札來聘

襄三十年春王正月楚子使薳罷來聘

公前朝楚故楚使薳

罷來聘以報之蓋自文公九年至此歷七十餘年楚未嘗致聘於魯今薳罷之來欲報公明矣不正大夫之荅君故加月以見譏

昭二年春晉侯使韓起來聘

昭十二年夏宋公使華定來聘

昭二十一年夏晉侯使士鞅來聘

右三十一著例三十其變例一

來會



定十四年秋邾子來會公

右一著例

來唁

昭二十五年九月齊侯唁公于野井

承公孫月

昭二十九年春齊侯使高張來唁公

昭三十一年夏四月晉侯使荀躒唁公于乾侯

承薛

伯卒月

右三著例

來言

成八年春晉侯使韓穿來言汶陽之田歸之于齊

右一著例

來求

隱三年秋武氏子來求賻

文九年春毛伯來求金

右二著例

來渝平

隱六年春鄭人來渝平

右一著例

胥命

桓三年夏齊侯衛侯胥命于蒲

右一著例

來

隱元年冬十有二月祭伯來

爲益師  
卒月

桓六年春正月寔來

寔猶是也言州公是欲來魯  
州公自曹猶以好來于我故

書來然春秋以月志然後州  
公之奔不疑矣詳具經解

桓八年冬十月祭公來

承雨  
雪月

僖二十九年春介葛盧來

是年冬介葛盧來

襄十八年春白狄來

右六著例五其變例一

以來

哀七年八月以邾子益來

承入邾  
來月

右一著例

逃來

莊十七年秋鄭詹自齊逃來

右一著例

來獻捷

莊三十一年夏六月齊侯來獻戎捷

獻捷大夫之事而齊侯親

之故加月  
以見譏

僖二十一年冬楚人使宜申來獻捷

右二著例一其變例一

來歸俘

莊六年冬齊人來歸衛俘

右一著例

來歸襚

文九年冬秦人來歸僖公成風之襚

右一著例

來奔喪

定十五年夏五月邾子來奔喪

承公薨月

右一著例

來會葬

襄三十一年冬十月滕子來會葬

爲葬月

定十五年九月滕子來會葬

爲葬月

右二著例

西疇春秋本例卷十一

欽定四庫全書薈要卷一千三百四十六

經部

西疇春秋本例卷十二 宋 崔子方 撰

凡內事門

例時

侵我

僖二十六年春王正月齊人侵我西鄙

承公盟月

文七年夏四月狄侵我西鄙

承宋公卒月

文十五年秋齊人侵我西鄙



是年十有二月齊侯侵我西鄙

承歸子叔姬月

襄十四年夏四月莒人侵我東鄙

承衛侯奔月

右五著例

伐我

莊十九年冬齊人宋人陳人伐我西鄙

莊二十年冬齊人伐我

僖二十六年夏齊人伐我北鄙

文十四年春王正月邾人伐我南鄙

承公至月

文十七年夏四月齊侯伐我西鄙

承葬小君月

成二年春齊侯伐我北鄙

襄八年夏莒人伐我東鄙

襄十年秋莒人伐我東鄙

襄十二年春王三月莒人伐我東鄙

爲遂入鄆月

襄十五年夏齊侯伐我北鄙

是年秋八月邾人伐我南鄙

承日食月

襄十六年三月齊侯伐我北鄙

承大夫盟月

是年秋齊侯伐我北鄙

襄十七年秋齊侯伐我北鄙

是秋齊高厚帥師伐我北鄙

是冬邾人伐我南鄙

襄十八年秋齊師伐我北鄙

襄二十五年春齊崔杼帥師伐我北鄙

定七年秋齊國夏帥師伐我西鄙

定八年夏齊國夏帥師伐我西鄙

哀八年春王正月吳伐我

承入  
曹月

哀十一年春齊國書帥師伐我

右二十二著例

圍內邑

襄十二年莒人伐我東鄙圍台

襄十五年夏齊侯伐我北鄙圍成

襄十六年秋齊侯伐我北鄙圍成

襄十七年秋齊侯伐我北鄙圍桃

是年秋齊高厚帥師伐我北鄙圍防

右五著例

入內邑

隱二年夏五月莒人入向

爲入極月

成九年冬十有一月楚公子嬰齊帥師伐莒庚

申莒潰楚人入鄆

是日莒先潰楚人得以入鄆也著日欲有所見也鄆

吾邑也蓋是時楚非有意於伐我因鄆之不守而遂入之耳然則何以不言遂再稱楚人不可以遂言也其再稱楚人何也是公子嬰齊不正其見利而妄入吾邑故貶之不與名

稱也詳  
具經解

右二著例一其變例一

取內邑

昭二十五年十有二月齊侯取鄆

公孫在齊故齊取鄆以居公也

是時齊強魯弱不能責季氏之罪以納公而乃取一邑以居焉見齊之無意於納公矣昭公不悟猶居鄆三年以待齊及其不能然後始之晉故此加月以見譏

哀八年夏齊人取謹及闡

右二著例一其變例一

取內田

宣元年六月齊人取濟西田

宣公以庶立齊侯以大國之權來爲平州

之會以定公位故以田賂齊也不正魯之以田與齊而齊之受田于魯故加月以見譏

右一變例

內入邑

隱八年三月庚寅我入祊

鄭伯守人之土地而妄以與人我不度義而受

之邑人不賓至於用師而入之亦病矣故加月以譏歸祊而加日以譏入祊也

右一變例

內取邑

成六年二月取鄆

承立武宮月

襄十三年夏取郛

昭元年三月取鄆

取之莒也莒魯爭鄆久矣是時莒有弑君之禍宜魯責賂於莒

而後取鄆乎故加月以見譏

昭四年九月取鄆

取之莒也始鄆欲屬魯而爲莒所滅魯不能救今復取之於莒

又不復其國家而遂有之故加月以見譏

昭三十二年春正月取闕

承在乾侯月



右五著例三其變例二

內取田

僖三十一年春取濟西田

成二年秋八月取汶陽田

承宋公  
卒月

襄十九年春王正月取邾田自漵水

承盟  
柯月

右三著例

歸內邑

隱八年二月鄭伯使宛來歸祊

加月譏也解  
具入祊下

哀八年冬十有二月齊人歸讙及闕

承杞伯卒月

右二著例一其變例一

歸內田

宣十年春齊人歸我濟西田

定十年夏齊人來歸鄆讙龜陰田

右二著例

假田

桓元年三月鄭伯以璧假許田

承公會月

右一著例

稅畝

宣十五年秋初稅畝

右一著例

田賦

哀十二年春用田賦

右一著例

蒐

昭八年秋蒐于紅

昭十一年五月大蒐于比蒲

承夫人  
卒月

昭二十二年春大蒐于昌閒

定十三年夏大蒐于比蒲

定十四年秋大蒐于比蒲

右五著例

狩

哀十四年春西狩獲麟

右一著例

來乞師

成十三年春晉侯使卻錡來乞師

成十六年六月晉侯使欒黶來乞師

承日食月

成十七年九月晉侯使荀息來乞師

承盟柯陵月

成十八年冬晉侯使士魴來乞師

右四著例

平

昭七年春王正月暨齊平

凡言及者我意也變及言暨知非我意也吾之

平強矣故加月以見譏

定十年春王三月及齊平

齊魯比年有侵伐之怨魯實畏齊平齊之平強

矣故加月以見譏賴谷之會齊有異謀知齊之不欲平亦明矣

定十一年冬及鄭平

右三著例一其變例二

戌

襄五年冬戌陳

襄十年冬戍鄭虎牢

右二著例

次  
俟附

莊八年春王正月師次于郎以俟陳人蔡人

爲治兵月

莊三十年夏次于成

右二著例

師救

僖十八年夏師救齊

右一著例

師圍

莊八年夏師及齊師圍郕

右一著例

師還

莊八年秋師還

右一著例

歸



定五年夏歸粟于蔡

哀八年夏歸邾子益于邾

右二著例

城

隱七年夏城中丘

隱九年夏城郎

桓五年夏城祝丘

桓十六年冬城向

莊二十九年冬十有二月城諸及防

承杞叔姬卒月

莊三十二年春城小穀

宣八年冬十月城平陽

承葬小君月

成四年冬城鄆

成九年冬十有一月城中城

承葬齊頃公月

襄七年夏四月城費

承卜郊月

襄十三年冬城防

襄十九年冬城西郭

是冬城武城

定六年冬城中城

定十四年秋城莒父及霄

定十五年冬城漆

哀四年夏城西郭

哀五年春城毗

哀六年春城邾瑕

右十九著例

# 築

莊元年秋築王姬之館于外

莊二十八年冬築郿

莊三十一年春築臺于郎

是年夏四月築臺于薛

承薛伯卒月

是年秋築臺于秦

成十八年八月築鹿囿

爲公薨月

昭九年冬築郎囿

定十三年夏築蛇淵園

右八著例

作

僖二十年春新作南門

定二年冬十月新作雉門及兩觀

兩觀之借久矣  
今復作之故目

事以見譏  
而加月也

右二著例一其變例一

新

莊二十九年春新延廡

右一著例

浚

莊九年冬浚洙

右一著例

毀

文十六年秋八月毀泉臺

承夫人薨月

右一著例

竊

定八年冬盜竊寶玉大弓

右一著例

得

定九年夏四月得寶玉大弓

承鄭伯卒月

右一著例

取殺

莊九年九月齊人取子糾殺之

凡外殺世子公子例皆時以魯之不

能存子糾故  
加月以見譏

右一變例



西疇春秋本例卷十二